

Transcription historique

{1} Ich Ulrich herre zu Vinstingen dūn kūnt allen den die diesen genwertigen brief sehent oder hoirent lesen daz herre Coinne herre {2} zu Bollichin min neve von mir intfangen hat die burch und die stat zu Bollichin und daz dar zu hoiret daz da ru- {3} -ret von der herschaft von Vinstingen v̄ffe delonge wande es ein ungedelet lehen ist und geloben yme des {4} werschaft zu dragene und en des zu verantwortende also ein herre sinen man von rehte dūn sol. Und des zu eime {5} rethem urkunde han ich min ingesigele an disen brief gehenket der da wart geben ahte tage nach Cristes tage {6} des jares do man von Gotes geburte zelte drūzehen hūndert und zwei und vierzich jare.